

法苑珠林

卷之五十一

署八十五
漆十

51428



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



法苑珠林卷第五十

大唐上都西明寺沙門釋道世字玄暉撰

報恩篇第五十一 此有二部 背恩篇第五十二

述意部第一 盖聞三寶恩重慈蔭四生

化育十方等同一子機無細而不臨智有來

而必撫遂使優填刻像鬱尔浮光斯匿鑄形

超然避席自兹厥後靈瑞倍興嘉聲弥成靡

草從風念則罪滅福生敬則德隆終古良由

如來長我法身父母養我生身既修長壽之

因必存蟬蛸之命恩義深重特須思報也

引證部第二 如正法念經云有四種恩

甚為難報何等為四一者母二者父三者如

來四者說法法師若有供養此四種人得無
量福現在爲人之所讚歎於未來世能得菩
提 又大般若經第四百四十三云若有問言誰是
知恩能報恩者應正荅言佛是知恩能報恩
者何以故一切世間知恩報恩無過佛故
又增一阿含經云介時世尊告諸比丘若有
衆生知返復者此人可敬小恩尚不忘何況
大恩設離此間百千由旬猶近我不異我恒
歎譽若有衆生不知返復者大恩尚不憶何
況小恩彼非近我我不近彼正使被僧伽梨
在吾左右此人猶遠是故比丘當念返復莫
學無返復 又舍利弗問經云佛言夫受戒

隨其力辦可以爲施不限多少文殊師利白
佛言云何如來說父母恩大不可不報又言
師僧之恩不可稱量其誰爲最佛言夫在家
者孝事父母在於膝下莫以報生長與之等
以生育恩深故言大也若從師學開發知見
次恩大也夫出家者捨其父母生死之家入
法門中受微妙法師之力也生長法身出功
德財養智慧命功莫大也追其所生乃次之
耳又中陰經佛問弥勒問浮提兒生墮地
乃至三歲母之懷抱爲飲幾乳弥勒荅曰飲
乳一百八十斛除母腹中所食四分東弗于
達兒生墮地乃至三歲飲乳一千八百斛西

拘耶尼兒生墮地乃至三歲飲乳八百八十

斛北鬱單越兒生墮地坐著陌頭行人授指

嗽指七日成人彼土無乳中陰衆生飲吸於

風古人用其小斗准今唐斗一斗當舊三斗故乳似多又難報經云

左肩持父右肩持母經歷千年便利背上猶

不能報父母之恩又增一阿含經云孝順供

養父母功德果報與一生補處菩薩功德一

等又佛說古來世時經云吾昔在波羅奈

國穀米勇貴人民飢饉我負擔草賣以自活

彼有緣覺名曰和理來遊其國我早出城欲

擔負草介時緣覺著衣持鉢入城分衛至於

中道吾負草還於城門中復與相遇空鉢而

出和理緣覺遙見吾來即自念言吾早入城
此人出城今負草還想朝未食吾當隨後往
詣其家乞以過飢我時擔草自還其舍下草
著地願見緣覺追吾之後如影隨形我時心念
朝出城時見此緣覺入城分衛如空鉢還想
未獲食吾當斷食以奉施之即持食出長跪
授之道人愍受其緣覺曰今穀米飢貴人民
虛餓分爲二分一分著鉢一分自食爲應法
尔施主報之唯然聖人願徐食之早晚無在
道人願受加哀一門時彼緣覺悉受飯食吾
因是德七反生天爲諸天王七反在世人中
之尊因此一施爲諸國王長者人民群五百

官所見奉事四輩道俗所見供養自來求手
吾無所須 又佛升忉利天爲母說法經云
佛在忉利天歡喜園中波利質多羅樹下三
月安居四衆圍繞身毛孔中放千光明普照
三千大千世界摩耶夫人間已乳自流出若
審是我所生悉達多者當令乳汁直至於口
作此語已兩乳直出猶白蓮華而便入如來
口中摩耶見喜踊躍怡悅如華開榮一心五
體投地專精正念結使消伏佛爲說法得須
陀洹果佛在天上種種利益不可具述尔時
世尊夏三月盡將欲還下閻浮放五色光
曜顯赫時天帝釋知佛當下即使鬼神作

道寶塔中央閻浮檀金左用瑠璃右用碼碯
欄楯雕鏤極爲嚴麗佛語摩耶生死之法會
必有離我今應下還閻浮提不久亦當入於
涅槃摩耶垂淚說偈尒時卅尊與母辭別下
躡寶塔梵天王執蓋及四天王侍立左右四
部大衆歌唄讚歎天作伎樂充塞虛空散華
燒香道從來下閻浮提其王波斯匿等一切
大衆集在寶塔誓首奉迎佛還祇洹處師子
座四衆圍遶歡喜踊躍不可具說 又觀佛
三昧經云父王白佛當往忉利天爲母說法
佛言當如輪王行法問訊檀越時持地菩薩
入首楞嚴定從金剛際作金剛華華華相次

四龍各持七寶臺持地為佛作三道寶階世
尊至已入宮白毫相光化作七寶蓋覆母上
作七寶牀奉令坐 又六度集經云管者菩
薩為大理家積財巨億常奉三尊慈向衆生
觀市觀鬻心悼之焉問價貴賤鬻主知菩薩
有普慈之德荅曰百劫菩薩荅曰大善將鬻
歸家臨水放之觀其游去悲喜誓曰衆難命
全如尔今也廣起弘願諸佛讚善鬻於後夜
來齧其門恠門有聲便出見鬻語菩薩曰吾
受重潤身得獲全無以荅恩水居之物知水
盈虛洪水將至必為巨害矣願速嚴舟臨時
相迎荅曰大善明晨詣門如事啓王王以善

薩宿有善名信用其言遷下處高時至鼈來
洪水至矣可速下載尋吾所之可獲無患舩
尋其後有虵趨船菩薩曰取鼈云大善又覩
漂狐曰取鼈云亦善又覩漂人博頰呼天哀
濟吾命曰取鼈曰慎無取也凡人心偽尠有
終信背恩追勢好爲凶逆菩薩曰虫類介濟
人類吾賤豈是仁哉吾不忍爲也於是取之
鼈王悔哉遂之豐土鼈辭曰恩畢請退荅曰
吾獲如來無所著至真等正覺者必當相度
鼈曰大善鼈退虵狐各去狐以穴爲居獲古
人伏藏紫磨黃金百斤喜曰當以報彼恩矣
馳還白曰小虫受潤獲濟微命虫穴居之物

求穴以自安獲金百斤斯穴非家非冢非劫
非盜吾精誠之致願以貢賢菩薩深惟不取
徒損無益於貧民可以布施衆生獲濟不亦
善乎尋而取之漂人覩焉曰分吾半矣菩薩
即以十斤惠之漂人曰尔掘冢劫金罪應柰
何不半分之吾必告有司荅曰貧民困者吾
欲等施尔欲專之不亦偏乎漂人遂告有司
菩薩見拘無所告訴唯歸命三尊悔過自責
慈願衆生早離八難莫有怨結如今吾也地
狐會曰柰何斯事虵曰吾將濟之遂銜良藥
開關入獄見菩薩狀顏色有損愴而心悲謂
菩薩言以藥自隨吾將辭太子其毒尤甚良

能濟者賢者以藥自聞傳即瘵矣菩薩默然
虵如所云太子命欲將殞王令曰有能濟茲
封之相國吾與參治菩薩上聞傳之即瘵王
喜問其所由本末自陳王悵然自咎曰吾聞
甚哉即誅漂人大赦其國封爲相國執手入
宮並坐談論佛法遂致太平佛告諸沙門理
家者是吾身國王者弥勒是鼈者阿難是狐
者秋鷺子是虵者目連是漂人者調達是菩
薩慈惠度無極行布施如是 又新婆沙論
云管撻馱羅國迦膩色迦王有一黃門恒監
內事暫出城外見有群牛數盈五百來入城
內問驅牛者此是何牛荅言此牛將去其種

於是黃門即自思忖我宿惡業受不男身今
應以財救此牛難遂償其價悉令得脫善業
力故令此黃門即復男身深生慶悅尋還城
內佇立宮門附使啓王請入奉現王令喚入
恠問所由於是黃門具奏上事王聞驚喜厚
賜珍財轉授高官令知外事頌曰

盛哉能仁 悲救為先 乘機赴感 鞠養慈憐

狐金蚰賞 闍人身全 知恩報德 幽冥應焉

感應緣 略引四驗

宋時吳子英春

宋時有人念佛免難 宋時渤海陳裴

唐并州石壁寺僧

宋吳子英春者舒鄉人善入水捕得赤鯉魚

愛其色好持歸不煞養之池中數飼以米穀
食之一年長丈餘遂生角有翅子英怖拜謝
之魚言我來迎汝上我背與汝俱升天歲來
歸見其妻子魚復迎之如此有七十人故吳
中門戶並作神魚子英祠右此一驗
出列山傳
宋有一國與羅刹相近羅刹數入境食人無

度王與羅刹約言自今以後國中家名專一
日當分送往勿復枉殺有奉佛家唯有一子
始年十歲次當充行父母哀號使至心念佛
爰及宗親助子屬想便送此兒辭別捨之以
佛威神力大鬼不得近明日見子尚在歡喜
同歸於茲遂絕國人嘉慶莫嗟右一驗
幽明錄

宋酒泉郡太守到官無幾輒卒死後有渤海
陳裴見使此郡裴憂愁不樂就卜者占其吉
凶卜者曰遠諸侯放伯裘能解此者則無憂
裴仍不解此語卜者報曰但去自當解之裴
既到官侍監有王侯平有史侯董侯等裴心
悟曰此所謂諸侯矣乃遠之即卧思放伯裘
之義不知何謂至夜半後有物來上裴被上
裴覺以被冒取之其物跳踉訶訶作聲外人
聞持火入欲煞之魅乃言曰我實無惡意但
欲試府君耳聽一相赦當深報府君恩府君
曰汝為何物而忽干犯太守魅曰我本百歲
狐也今變為魅乎垂化為神而正觸府君威

怒甚遭困厄聽一放我我字伯裘若府君有
急難但呼我字則自解矣裴乃喜曰卜真放
伯裘之義即便放之小開被忽然有赤光如
震電從戶出明日夜有敲戶者裴問曰誰答
曰伯裘問曰何為答曰白事問曰白何事答
曰北界有賊發奴也裴案發則驗每事先以
語裴於是境界無毫毛之姦而咸曰聖君出
後經月餘主簿李音共裴侍婢私通既而驚
懼慮伯裘來白遂與諸侯謀煞裴却為傍無
人便使諸侯持杖直入欲格煞之裴惶怖即
呼伯裘來救我即有物如申一疋絳課然作
聲音侯伏地失魂乃以次縛取之考問來意

故皆服首後月餘日與裴諱曰今得為神矣
當上天去不得復與府君相見往來遂去不見

也

右此一驗出
搜神異記

唐并州石壁寺有一老僧禪

誦為業精進練行貞觀末有鵠巢其房楹上
哺養二鵠法師每有餘食恒就巢哺之鵠鵠
後雖漸長羽翼未成乃並學飛俱墜地而死
僧並收瘞之經旬後僧夜夢二小兒白之曰
兒等為先有少罪遂受鵠身比來聞法師讀
法華經及金剛般若經既聞妙法得受人身
兒等今於此寺側十餘里某村某姓名家託
生為男十月之外當即誕育僧乃依期往視
見此家一婦人同時誕育二子因為作滿月

齋僧呼為鴿兒兩兒並應之曰諾一應之後

歲餘始言此一驗出報恩事廣不可具述

背恩篇第五十二此有述意部第一

蓋聞四生沉溺必假舟航六趣昏迷本憑獎

導是故三寶大慈俯應蒼民曲垂提引今脫

苦難沉復違背重恩豈不永沉苦海是故婦

人鴆毒夫蒙王賞樵人害熊現報譬洛良由

違恩業重現受交報故智度論云知恩者大

悲之本開善業之初門人所愛敬名譽遠聞

死得生天終成佛道不知恩者甚於畜生也

引證部第二 如百喻經云昔有一婦荒淫

無度欲情既盛疾惡其夫每思方策規欲殘

害種種設計不得其便會值其夫駉使隣國
婦密爲計造毒藥丸欲用害夫詐語夫言尔
今遠使慮有乏短今我造作五百歡喜丸用
爲資糧以送於尔尔若出國至他境界飢困
之時乃可取食夫用其言至他界已未及食
之於夜暗中止宿林間畏懼惡獸上樹避之
其歡喜丸忘置樹下即以其夜值五百偷賊
盜彼國王五百疋馬并及寶物來止樹下由
其逃突盡皆飢渴於其樹下見歡喜丸諸賊
取已各食一丸藥毒氣盛五百群賊一時俱
死時樹上人至天明已見此群賊死在樹下
詐以刀箭斫射死屍收其鞍馬并及財寶駉

向彼國時彼國王多將人衆尋跡來逐會於
中路值於彼王彼王問言尔是何人何處得
馬其人荅言我是某國人而於道路值此群
賊共相斫射五百群賊今皆一處死在樹下
由是之故我得馬及以珍寶來投王國若不
見信往看賊之瘡痍煞害處所是王即遣親
信往看果如其言王時欣然歎未曾有既還
國已厚加爵賞封以聚落彼王舊臣咸生妬
嫉而白王言彼是遠人未可信伏如何卒尔
寵遇過厚至於爵賞逾越舊臣遠人聞已而
作是言誰有勇健能共我試請於平原校其
伎能舊人愕然無敢敵者後時彼國大曠野

中有惡師子截道煞人斷絕王路時彼舊日
詳共議之彼遠人者自謂勇健無能敵者今
復若能煞彼師子爲國除害真爲奇特作是
議已便白於王王聞是已給賜刀杖尋即遣
之尔時遠人既受勅已堅強其意向師子所
師子見之奮音嗷音鳴吼騰躍而前遠人驚怖
即便上樹師子張口仰頭向樹其人怖急失
所捉刀落師子口師子尋死尔時遠人歡喜
踊躍來白於王王倍寵遇時彼國人率尔敬
服咸皆讚歎 又諸經要集云有人入林伐
木迷惑失心時值大雨日暮飢寒惡虫毒獸
欲侵害之是以入石窟中有一大熊見之怖

出熊語之言汝勿恐慌此舍溫暖可於中宿
時連雨七日常以甘果美水供給此人七日
雨止熊將此人示其道徑熊語人言我是罪
身多人怨家若有問者莫言見我人荅言尔
此人前行見諸獵者問汝從何來見有衆獸
不荅言見一大熊於我有恩不得示汝獵者
言汝是人黨以人類相觀何以惜熊今一失
道何時復來汝示我者我與汝多分此人心
變即將獵者示熊處所獵者斂熊即以多分
與之此人展手取肉二肘俱墮獵者言汝有
何罪荅曰是熊看我如父視子我今背恩將
是罪報獵者恐怖不敢食肉持施衆僧上座

是羅漢語諸下座此是菩薩未來出世當得

作佛莫食此肉即時起塔供養王聞此事勅

下國內背恩之人無令住此新婆沙論云時

薩肉共取香薪焚燒其肉收其餘
骨起寧堵波禮拜供養如事佛塔

又九色鹿經云昔者菩薩身為九色鹿其九

種色角白如雪常在恒水邊飲食水草常與

一鳥為知識時水中有一溺人隨流來下或

出或沒仰頭呼天山神樹神諸天龍神何不

愍我鹿聞下水救之語言汝可騎我背捉我

角負出上岸溺人下地遶鹿三匝向鹿叩頭

乞為大天作奴給其使令採取水草鹿言不

用且各自去欲報恩者莫道我在此人貪我

皮角必來斂我時國王夫人夜夢見九色鹿
即詐病不起王問何以荅曰我昨夜夢見非
常之鹿其毛九種色其角白如雪我思欲得
其皮作坐纏其角作拂柄王當為我得之王
若不得我將死矣王募國中若有能得當分
國而治賜其金鉢盛滿銀粟賜其銀鉢盛滿
金粟溺人聞之欲取富貴
鹿是畜生死
活何在往至王所言知鹿處王大歡喜言汝
若能得其皮角來者報之半國溺人面上即
生癩瘡溺人言大王此鹿雖是畜生大有威
神王宜多出人兵乃可得耳王即大出人衆
徑到恒水邊烏在樹頭見人兵來即呼鹿言

知識且起王兵來至鹿故熟眠卧不覺烏下
啄耳鹿方驚覺四向顧望無復走地便往趣
王車邊傍巨欲射王曰莫射此鹿非常將是
天神鹿言大王且莫射我我前活王國中一
人鹿復長跪問王言誰道我在此王便指示
車邊癩面人是也鹿即仰頭視此人面眼中
淚出不能自勝此人前溺在水中我不惜身
命自投水中負此人出約不相道人無反復
不如出水中浮木也王有愧色汝受其恩柰
何反欲煞之即下勅國中若有駟逐此鹿者
當誅五族衆鹿數千皆來依附飲食水草不
侵禾稼風雨時節五穀豐熟人無疾病其世

太平時九色鹿我身是也烏者阿難是也國
王者今父王悅頭檀是也時王夫人者今孫
利是也時溺人者調達是也我雖有善心向之
故欲害我難有意至又雀王經云昔者菩薩身
爲雀王慈心濟衆由護身瘡有虎食獸骨挂
其齒困飢將終雀王入口啄骨日日若茲雀
口生瘡身爲瘦羸骨出虎活雀飛登樹說佛
經曰煞爲凶虐其惡莫大虎聞雀誠勅聲勃
然恚曰尔始離吾口而敢多言尔雀覩其不可
化退速飛去佛言雀王者是吾身虎者是調
達身又雜寶藏經云時提婆達心常懷惡
欲害拙尊乃雇五百善射婆羅門使持弓箭

詣世尊所挽弓射佛所射之箭變成諸華五
百婆羅門見是神變皆大怖畏即投弓箭禮
佛懺悔佛為說法皆得須陀洹道復白佛言
願聽我等出家學道佛言善來比丘鬚髮自
落法服著體重為說法得阿羅漢道諸比丘
白佛言世尊神力甚為希有提婆達多常欲
害佛然佛恒生大慈佛言非但今日如是於
過去時波羅柰國有一賈主名不識恩共五
百賈客入海採寶得寶還返到淵迴處遇水
羅刹而捉其舩不能得前眾賈人等極大驚
怖皆共唱言天神地神日月諸神誰能慈救
濟我也有一大龜背廣一里心生悲愍來向

船所負載衆人即得渡海時龜小睡不識恩者欲以大石打龜頭煞諸賈人言我等蒙龜濟難活命煞之不祥不識恩也不識恩曰我儕飢急誰能念恩輒便煞龜而食其肉即日夜中有大群象躡煞衆人介時大龜我身是也介時不識恩者提婆達多是也五百賈人者五百婆羅門出家得道是也我於往昔濟彼厄難今復拔其生死之患也 又佛說旃檀樹經云佛告何難諦聽執受時維耶梨國有五百人入海採寶置船步還經歷深山日暮止宿豫嚴早發四百九十九人皆引去一人卧熟失伴仍遇天雨雪失去徑路窮厄山

中啼哭呼天有大旃檀香樹樹神謂窮人言
可止留此自相給衣食到春可去窮人便留
至于三月啓樹神言受恩得全身命未有微
報願有二親今在本土實思得還願乞發遣
樹神言善便自從意以金一餅賜之去此不
遠當得還邑窮人臨去問樹神言此樹香潔
世所希有今當委還願知其名神言不須問
也窮人復言依陰此樹積歷三月若到本國
當宣樹恩神便報言樹名旃檀根莖枝葉治
人百病其香遠聞世之竒異人所貪求不須
道也窮人還至國中親族歡喜後無幾間國
王病頭痛禱祀天地山水諸神痛不消差名

醫省視唯得栴檀香以護病得愈王即募求
民間無有便宣令國中得栴檀香者拜為封
侯妻以王女時窮人聞賞祿重便詣王所白
言我知栴檀香處王便令匠臣將窮人往伐
取香樹至到樹所使者見樹洪直枝條茂盛
華果煌煌以希見故心不忍伐不伐者則違
王命躊躇徘徊不知云何樹神空中言曰便
伐但置其根伐已以人血塗之肝腸覆其上
樹自當生還復如故使者聞神言如此便令
人伐之窮人住在樹邊樹枝踣地標煞窮人
使者便與左右議言向者樹神言當得人血
肝腸以祠樹心不知當以誰賽此人今死便

以當之則屠割之取其肝血如神所勅樹即
便生如本無異車載伐樹以還國中醫即進
藥王病得愈舉國歡喜王命國中人民其有
病者皆出香給病皆得愈舉國欣欣遂致太
平阿難退坐誓首質言是窮人何無及復違
樹神重誓佛報曰乃往昔維衛佛時有父子
三人其父奉行齋戒未曾懈怠大兒常於中
庭空中燒香供養十方諸佛小弟愚癡不知
三尊輒以衣覆香上兄謂弟言此事大重何
以犯之弟起惡言誓言斷兄兩足兄復起念
當拍煞弟父言汝二子諍使我頭痛大兒報
言願破我身為藥令父平損口妄言故世世

受罪身興惡意欲斷兄足後果將人往斷樹
身兄欲拍煞身今作樹神果因樹為體拍殺
身身時國王頭痛者其父也奉齋精進故得尊
貴時言使我頭痛者後果頭痛各受其殃佛
言罪福報應如影隨形頌曰
大悲愍濟德重乾坤恩深父母
義越君臣
忠孝盡命
獨難報恩
如違厥理
交喪其身

法苑珠林卷第五十

漆

又 浮音 游音 遊音 敷音 叫音 躄音 稠音 踏音 又音 盧
俳音 佗音 回音 旬音 呼
又

